



UNIVERSITETI - UNIVERSITY - UNIVERZITET  
"HAXHI ZEKA"

Ref. nr. 1138/25

Pejë, 20.05.2025

Në bazë në nenin 8 të Ligjit nr. 03/L-212 të Punës, nenit 26 të Ligjit nr. 04/L-037 mbi Arsimin e Lartë të Kosovës, nenin 169, 170, 171, 172, 173, të Statutit nr. 04-V-622 të Universitetit "Haxhi Zeka" në Pejë, Rregullores nr. 025/23 për Procedurat Vlerësuese dhe Përzgjedhëse Lidhur më Emërimin, Riemërimin dhe Avancimin e Personelit Akademik të Rregullt në Universitetin "Haxhi Zeka" në Pejë, Rregullores për Plotësim Ndryshimin e rregullores nr. 025/23 për Procedurat Vlerësuese dhe Përzgjedhëse Lidhur më Emërimin, Riemërimin dhe Avancimin e Personelit Akademik të Rregullt në UHZ, ref. nr. 2863/23, të dt. 03.10.2023, Senati i Universitetit "Haxhi Zeka" në Pejë, në mbledhjen e mbajtur me datë 19.05.2025, vendosi të:

### Shpall

### K O N K U R S

#### Për riemërimin/avancimin e personelit akademik të rregullt në UHZ

#### Fakulteti i Biznesit

##### Për riemërim/avancim:

1. Një mësimdhënës për lëndët: Liderhipi dhe Menaxhmenti, Motivimi dhe Vlerësimi i Performancës së Punonjësve;
2. Një mësimdhënës për lëndët: Financat Ndërkombëtare, Financat Digjitale;
3. Një mësimdhënës për lëndët: Financat Publike, Menaxhimi Financiar;
4. Një mësimdhënës për lëndët: Mikroekonomija, Napredna Menadzerka Ekonomija;
5. Një mësimdhënës për lëndët: Auditimi Menaxherial, Financat Personale;
6. Një mësimdhënës për lëndët: Analiza Mikroekonomike, Metodrat Cilësore në Kërkim Shkencor;
7. Një mësimdhënës për lëndët: Marketingu, Menaxhimi i Marketingut;
8. Një asistent për lëndët: Bazat e Biznesit, Marketingu, Bazat e Menaxhmentit, Menaxhimi i Burimeve Njerëzore;
9. Një asistent për lëndët: Bazat e Marketingut, Menaxhimi i Marketingut, Marketingu Digjital, Sjellja Konsumatore;
10. Një asistent për lëndët: Osnove Biznisa, Vanjska Trgovina, Medjunardni Biznis, Medjunarodno Poslovno Okruzenje;

#### Fakulteti Arteve

##### Për riemërim/avancim:

1. Një mësimdhënës për lëndët: Piano Obligative I-II-III-IV-V-VI, Pedagogji e Pianos I-II;
2. Një mësimdhënës për lëndët: Solokendim I-II-III-IV-V-VI-VII-VIII, Teknik Vokale I-II, Instrumenti i Dytë;
3. Një mësimdhënës për lëndët: Dirigjim Koral I-II-III-IV, Orkestër I-II-III-IV-V-VI-VII-VIII, Solfezh I-II;

## **I. Kushtet e përgjithshme dhe veçanta**

- a) Kushtet e përgjithshme për emërimin e personelit akademik janë të përcaktuara sipas dispozitave të parapara me Ligjin Nr. 04/L037 për Arsimin e Lartë në Republikën e Kosovës, dispozitat e Statutit nr. 04-V-622 të Universitetit "Haxhi Zeka" në Pejë, si dhe Rregulloren nr. 025/23 për Procedurat Vlerësuese dhe Përzgjedhëse Lidhur me Emërimin, Riemërimin dhe Avancimin e Personelit Akademik të Rregullt në Universitetin "Haxhi Zeka" në Pejë.
- b) Kushtet për emërimin dhe avancimin në çfarëdo titulli të personelit akademik janë kualifikimet përkatëse dhe përvojat relevante për vendin e punës.
- c) Përparësi kanë kandidatët që njohin gjuhën angleze dhe që posedojnë certifikatë për toefl test, si dhe trajnime për metodat bashkëkohore të mësimdhënies.

### **d) Kandidatët të cilët aplikojnë për riemërim/avancim në thirrjen përkatëse (prof. ass. dr) duhet të sjellin dëshmi që plotësojnë këto kushte:**

1. Të ketë gradën e doktorit të shkencës në fushën përkatëse;
2. Të ketë një numër të zgjedhur të monografive dhe publikimeve, të shqyrtuara në revista ndërkombëtare shkencore, me së paku një (1) punim kryesor të publikuar dhe të shqyrtuar në revista ndërkombëtare të indeksuara në platformat WEB OF SCIENCE (SCIE, SSCI dhe AHCI) dhe SCOPUS, si autor i parë ose korrespondent;
3. Të tregojë aftësi për mësimdhënie;
4. Të ketë së paku tre (3) vite përvojë pune në procesin mësimor në arsimin e lartë.
5. Botimet duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies;
6. Emërimi për titullin Profesor asistent, si dhe kohëzgjatja e punësimit është për katër (4) vite.

### **e) Kandidatët të cilët aplikojnë për riemërim/avancim në thirrjen akademik profesor i asocuar (prof. asoc. dr), duhet ti plotësojnë kriteret si në vijim:**

1. Të ketë thirrjen e doktorit të shkencës;
2. Të ketë një numër të zgjedhur të monografive, publikimeve në revista ndërkombëtare shkencore me së paku 3 punime kryesore të publikuara në revista ndërkombëtare të indeksuara në platformat WEB OF SCIENCE dhe SCOPUS, si autor i parë ose korrespondent nga të cilat së paku dy (2) të jenë nga thirrja e fundit dhe të ketë kaluar të paktën katër (4) vjet nga thirrja e profesorit asistent.
3. Të tregojë aftësi për mësimdhënie;
4. Të dëshmojë punë, dije dhe mjeshtri në lëndën e fushës përkatëse.
5. Botimet duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies;

6. Emërimi për titullin **Profesor i asocuar**, si dhe kohëzgjatja e punësimit është për katër (4) vite.

**f) Kandidatët të cilët aplikojnë për avancim në thirrjen akademik profesor i rregullt (prof. dr), duhet ti plotësojnë kriteret si në vijim:**

1.1. Të ketë gradën e doktorit të shkencës;

1.2. Të tregojë nivel të lartë dhe kompetencë akademike e përvojë shkencore për lëndën që dëshmohet me:

1.2.1. Sepaku një monografi, tekste mësimore, publikimeve në revista ndërkombëtare shkencore me më së paku 5 punime kryesore të publikuara në revista shkencore ndërkombëtare të indeksuara në platformat WEB OF SCIENCE dhe SCOPUS, si autor i parë ose korrespondent nga të cilat së paku dy (2) të jenë nga thirrja e fundit dhe të ketë kaluar të paktën katër (4) vjet nga thirrja e profesorit të asocuar.

1.2.2. Pjesëmarrje aktive në konferenca kombëtare dhe ndërkombëtare;

1.2.3. Përvojë në projekte kombëtare e ndërkombëtare dhe kërkime shkencore;

1.2.4. Aftësi të lartë arsimore dhe pedagogjike përmes praktikës së arsyeshme;

1.2.5. Aftësi për udhëheqje akademike;

1.2.6. Udhëheqje të temave master dhe të doktoratës. Kriteri për metorimin e temave të doktoratës zbatohet 3 vite pas themelimit të studimeve të doktoratës në njësinë akademike përkatëse;

2. Botimet duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies.

3. Emërimi për titullin **Profesor i rregullt**, si dhe kohëzgjatja e punësimit bëhet për kohë të pacaktuar.

**g) Kandidatët të cilët aplikojnë për riemërim/avancim në thirrjen akademik Profesor i asocuar, në Fakultetin e Arteve, duhet ti plotësojnë kriteret si në vijim:**

1.1. Të ketë gradën e doktorit apo master/magjistraturë në fushën përkatëse.

1.2. Për lëndët teorike, të ketë një numër të zgjedhur të monografive, publikimeve në revista ndërkombëtare shkencore/artistike me më së paku 3 punime kryesore të publikuara në revista shkencore/artistike ndërkombëtare të indeksuara në platformat WOS dhe SCOPUS, si autor i parë ose korrespondent, nga të cilat së paku dy (2) punime të jenë nga thirrja e fundit dhe të ketë kaluar të paktën katër (4) vjet nga thirrja e profesorit asistent.

1.3. Për lëndët artistike kandidati duhet ti ketë grumbulluar së paku 30 pikë nga veprimtaria artistike si në pikën 1.3.1

1.3.1. Së paku tri (3) veprimtari artistike (sipas shtojcës IV për llojin e veprimtarisë artistike) të nivelit ndërkombëtar (nga të cilat duhet të grumbullohen 30 pikë) nga të cilat së paku dy veprimtari artistike (20 pikë) të jenë nga thirrja e fundit, të prezantuara në institucione të dëshmuara kulturore/artistike jashtë vendit ku veprat

të jenë të publikuara në katalogët/agjendat/programet/pllakatat/etj., dhe të ketë kaluar të paktën katër (4) vjet nga thirrja e profesorit asistent.

1.4. Të tregojë aftësi për mësimdhënie;

1.5. Të dëshmojë punë, dije dhe mjeshtri në lëndën e fushës përkatëse;

1.6. Botimet dhe veprimtaria artistike duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies;

1.7. Emërimi për titullin Profesor i asocuar, si dhe kohëzgjatja e punësimit është për katër (4) vite.

**h) Kandidatët të cilët aplikojnë për avancim në thirrjen akademik profesor i rregullt në Fakultetin e Arteve, duhet ti plotësojnë kriteret si në vijim:**

1. Për titullin **Profesor i rregullt**, në Fakultetin e Arteve, kandidati duhet të plotësoj kriteret si në vijim:
  - 1.1. Të ketë gradën e doktorit ose ekuivalente me të në Fakultetin e arteve (master/magjistraturë).
  - 1.2. Të tregojë nivel të lartë dhe kompetencë akademike e përvojë artistike për lëndët, që dëshmohet me:
    - 1.2.1. Për lëndët teorike, një numër të zgjedhur të monografive, teksteve mësimore, publikimeve në revista ndërkombëtare shkencore/artistike me më së paku 5 punime kryesore të publikuara në revista shkencore/artistike ndërkombëtare të indeksuara në platformat WOS dhe SCOPUS, si autor i parë ose korrespondent nga të cilat së paku dy punime të jenë nga thirrja e fundit.
    - 1.2.2. Për lëndët artistike kandidati duhet ti ketë grumbulluar së paku 50 pikë nga veprimtaria artistike si në pikat a, b dhe c:
      - a) Së paku 5 veprimtari artistike (sipas shtojcës IV për llojin e veprimtarisë artistike) të nivelit ndërkombëtar (nga të cilat duhet të grumbullohen 50 pikë) nga të cilat së paku dy veprimtari (20 pikë) të jenë nga thirrja e fundit, të prezantuara në institucione të dëshmuara kulturore/artistike jashtë vendit, ku veprat të jenë të publikuara në katalogët/agjendat/programet/pllakatat/etj. Dhe të ketë kaluar të paktën katër (4) vjet nga thirrja e profesorit të asocuar.
      - b) të ketë krijuar, prezantime, interpretime apo punime të njohura artistike publike dhe të ketë kontribuar në zhvillimin e artit dhe kulturës në nivel kombëtar.
      - c) të jetë organizator (udhëheqës, selektor, kurator, anëtar jurie, pjesëmarrës) i një ngjarje artistike e cila ka për synim ngritjen artistike të artistëve nga fusha e vet.
    - 1.2.3. Pjesëmarrja aktive në konferenca kombëtare dhe ndërkombëtare;
    - 1.2.4. Përvoj afatgjatë në projekte të kërkimeve themelore;
    - 1.2.5. Aftësi të lartë arsimore dhe pedagogjike përmes praktikës së arsyeshme;
    - 1.2.6. Aftësi për udhëheqje akademike;
    - 1.2.7. Udhëheqje të temave master. Kandidatët që aplikojnë për thirrje **Profesor i rregullt** të lëndëve teorike duhet të dëshmojnë se kanë mentoruar ose bashkëmentoruar me sukses tema master ose është në proces të mentorimit

të së paku 1 kandidati në studimet master. Në mungesë të dëshmisë së mentorimit të studentëve në master, kandidati duhet të dëshmojë që është së paku në proces të bashkëmentorimit të një kandidati (nuk pranohet më shumë se 1 bashkëmentor për 1 master) ose të ketë marrë pjesë në së paku një komision për mbrojtje/vlerësim të punimit të masterit dhe të ketë botuar në cilësinë e autorit të parë së paku 1 punim më shumë se minimumi i nevojshëm për thirrjen profesor i rregullt.

Kandidatët që aplikojnë për thirrje **Profesor i rregullt** të lëndëve artistike duhet të dëshmojnë se kanë mentoruar ose bashkëmentoruar me sukses tema master ose është në proces të mentorimit të së paku 1 kandidati në studimet master.

Në mungesë të dëshmisë së mentorimit të studentëve në master, kandidati duhet të grumbulloj së paku 10 pikë më shumë se minimumi i nevojshëm nga veprimtaria artistike për thirrjen profesor i rregullt.

- Botimet dhe veprimtaria artistike duhet të jenë nga fusha e ekspertizës së kandidatit, nga fusha relevante ose fusha që kandidati mbulon në procesin e mësimdhënies.
- Emërimi për titullin **Profesor i rregullt**, si dhe kohëzgjatja e punësimit bëhet për kohë të pacaktuar.

**i) Kandidatët të cilët aplikojnë për riemërim në thirrjen akademik të asistentit, më rastin e aplikimit duhet ti sjellin këto dëshmi:**

Vërtetimin për regjistrimin e studimeve të doktoratës, të lëshuar nga Fakulteti, të noterizuar dhe në gjuhën shqipe.

**II. Dokumentet e nevojshme për kandidatët të cilët aplikojnë për riemërim/avancim:**

**Kandidatët të cilët aplikojnë për pozitën në konkurs, më rastin e aplikimit duhet t'i sjellin këto dokumente:**

- a) Formularin për aplikimi;
- b) biografinë (CV);
- c) certifikatën e lindjes
- d) vendimin për thirrjen e fundit nga UHZ dhe kontratën e punës valide me UHZ;
- e) dëshmitë për publikimet shkencore e profesionale brenda kornizës së përcaktuar me Statutin e UHZ-së dhe Rregulloren nr. 025/23 për Procedurat Vlerësuese dhe Përzgjedhëse Lidhur më Emërimin, Riemërimin dhe Avancimin e Personelit Akademik të Rregullt në Universitetin "Haxhi Zeka" në Pejë, si dhe;
- f) informatat e tjera specifike shtesë, të cilat janë të rëndësishme për pozitën që aplikojnë.

### **III. Vendimi, periudha e ankimimit dhe e përmbylljes së konkursit**

1. Kandidatët e pakënaqur me publikimin e raporteve të komisioneve vlerësuese në Buletin ose vendimit të Senatit, kanë të drejtë të parashtrojnë ankesë sipas nenit 18 dhe 20 të Rregulloren nr. 025/23 për Procedurat Vlerësuese dhe Përzgjedhëse Lidhur më Emërimin, Riemërimin dhe Avancimin e Personelit Akademik të Rregullt në Universitetin "Haxhi Zeka" në Pejë.
2. Konkursi për emërim të stafit akademik, duhet të përmbyllet me vendim përkatës të Senatit të UHZ-së, për të gjitha vendet e shpallura, në një periudhë jo më të gjatë se 175 ditë nga dita e shpalljes.

### **IV. Mënyra e aplikimit**

1. Kandidatët të cilët aplikojnë për më shumë se një pozitë duhet të sjellin kopje fizike për aq pozita sa aplikojnë.
2. Aplikacionet e plotësuara së bashku me kopjet e dëshmimeve të nevojshme (të cilat kërkohen sipas Rregullores nr. 025/23 për Procedurat Vlerësuese dhe Përzgjedhëse Lidhur më Emërimin, Riemërimin dhe Avancimin e Personelit Akademik të Rregullt në Universitetin "Haxhi Zeka" në Pejë dhe konkursit) duhet fillimisht të dorëzohen në formë elektronike në e-mail: [apliko.online@unhz.eu](mailto:apliko.online@unhz.eu) dhe pastaj në formë fizike në zyrën e protokollit në Rektorat.
3. Aplikacionet e dërguara pas afatit dhe ato të pakompletuara nuk do të merren në shqyrtim.
4. Konkursi mbetet i hapur 15 (pesëmbëdhjetë) ditë kalendarike nga dita e shpalljes në web-faqen zyrtare të Universitetit dhe gazetë, përkatësisht nga dt. 20.05.2025, deri më dt. 04.06.2025.

Ju lutem shkarkoni [këtu](#) formularin për aplikim.

Konkursin mund ta gjeni të publikuar edhe në faqen e internetit në këtë adresë: <http://www.unhz.eu>